

增修登州府志卷之六十三

子部

傳習心談十四卷 補遺二卷

文登劉必紹著

必紹字紹文明隆慶二年選貢生官保安知州此
本自序成於萬曆十五年丁亥即在保安訓諸生
所作也亦為應試制義起見故冠以破題字義一
篇其書皆講明四書而閒及時事以天德王道為
指歸以心學為宗旨亦王文成之支流而與朱子

增修登州府志

卷六十三

子部

一

相依附為大學補傳作解尚遵功令也以關雎為
太姒薨後作亦為別解

庭訓說約一卷

文登劉濡恩著

必紹子

睿養圖說一卷

招遠楊觀光著

觀光字用賓明崇禎元年進士此本為少詹事時
所進末附呈進原疏為十二年六月二十六日其
書以養性養氣養體為圖性則自自明以至於天
下分精一為知行氣則自太極以至復卦以夜氣
為宗體則自太極兩儀及乾坤各交六子之十二

卦合之十二月二十四氣爲消息然性以良知爲宗亦王氏之緒餘非孟子之本旨也

參兩圖說二卷

右人著

其書取天象十五地形十合而成圖各系以說卽十五象十形各系以詞如易卦彖辭名曰繹每繹分九粵如卦爻辭每粵各系以諛如爻之有象傳後復係詞四篇以仿易繫辭傳以下諸篇又係以靜生圖仿易林重卦之例觀光好深湛之思如其家子雲此本與睿養亦規撫法言太元惟其有之

增修登州府志

卷六十三

子部

二

是以似之也

致知小語四卷

右人著

書分天地人物各卽可知者推演之亦稍有理解

雜說一卷

右人著

亦小語之賸義

紀效新書四卷

練兵實紀十卷

蓬萊戚繼光著

繼光字元敬明史有傳此二書皆著錄四庫書目

提要

水戰圖說一卷

此書不著撰人而多取戚氏說非繼光書也

吉金所見錄十八卷

萊陽初尚齡著

尚齡字渭園此本皆其所見古錢摹其字形爲之
圖說卷末爲考古瑣言

繹老

棲霞牟庭著

已見

其書以老子章句文字多舛錯據也書引用者證
明之大氏謂本書皆韻語卽其合韻者斷以爲章
而博考古文音韻以爲依據雖不盡合亦多證佐

增修登州府志

卷六十三

子部

三

至道可道之可宜讀爲何卻走馬以糞句宜連下
讀亦有義意

校正孫子

右人著

以孫武與伍員爲一人據託其子於鮑氏爲王孫
氏爲徵亦以孫武不見春秋傳從爲之詞也

校正韓非子四十五篇

右人著

本書原五十五篇爲並合之其第二十卷忠孝篇
校曰韓非子記曰舜見瞽瞍其容造焉孔子曰當
是時也危哉天下岌岌有道者父固不得而子君

固不得而臣也墨子非儒篇夫舜見瞽瞍就然此時天下岌乎周公旦非其人也邪何爲舍其室家而託寓也牟氏庭曰蓋野人之意以爲舜以瞽瞍爲臣而不安於心此時若避而去之則天下亂矣唯其忍而安之則天下定矣此所謂危哉岌岌者也舜終不爲父之子周公終不能不爲君之臣此所以非周公也

云

云

案得此解而孟子咸丘蒙章

之意乃明野語之非乃著亦證其校書之審也

校正淮南子

右人著

增修登州府志

卷六十三

子部

四

二書皆多所添注塗乙然並有證據不爲武斷足徵勘校之勤

荀子補注

棲霞郝懿行著

已見

因楊注有未盡補正其疏漏並考訂楊氏家世皆不草草惟未附與人書二篇力推荀氏當在孟子之右終爲失言

寶訓八卷

右人著

義同齊民要術分穀菜果木畜屬爲部每章以諺語爲開端蓋取義於農家者流之言從其類也但

所引古語多不注出何書雜以今語亦不言傳自
何人殊非著述之體且於桃李門引史記李將軍
傳贊已爲長語下又引入李下無蹊徑五字尤爲
不當此本今已刊行故存其目

贊化一篇 西銘解一篇 太極圖說一篇 羣書
貫二篇 海陽趙燮著

燮字咸平諸生贊化仿西銘以一身象天地二解
惟畧明本義羣書貫則出入五經四子書而以自
已躬行實踐者發之亦見篤信好學之力其曾孫

增修登州府志

卷六十三

子部

五

洛衍刻之

勤業堂雜著一卷

寧海曲觀光著

觀光字賓甫此本雜錄先儒講學之語亦多自所
論說以立志始勤學止後半爲四書會心纂亦同
此意其自序爲嘉慶九年

家禮繫辭二卷

寧海曲由典著

已見

自記其家所行喪祭之儀節皆卽民俗通用之常
法參以朱子家禮證辯頗爲詳明而引據 會典
能得不悖之旨

天文輯要六卷

蓬萊初延年著

延年字子山恩貢生此本輯前人天日月星麻數
歲差諸事萃爲一編其分比列宿限度旦昏中星
躔次更鼓時刻具見明備

宦蜀紀程四卷

蓬萊張香海著

已見

此道光二十九年香海由登州赴四川候補記其
路次所聞見可資考證亦以知當時道路險易之
實附記武侯墓一條亦以見侯之遺愛在人

求通錄十三卷

福山王兆璣著

增修登州府志

卷六十三

子部

六

兆璣字竹生監生所言皆算法推測詳密而點竄
塗改甚多非定本也

翼周六卷

右人著

推行太極圖說而發揮之故以名書雜取二氏說
以附經非儒家正義也